

գազաններից, որքան նրանց մէջ որչափացած բընակիչներից:

Լեռների եւ անտառների յօրինած դժուարութիւնների պակասը... լրացնում էին գետերը: Նրանք անցնում էին խորին, քարեղէն յատակի վրայով եւ երկու կողմից պարիսպների նման բարձր, ժայռոտ եզերքի միջով: Սեղմըւած իրենց նեղ ափերի մէջ... նրանք փրփրադէզ յորձանքներով զարկում էին անխորտակելի ապառաժներին, որ փոքր ինչ... ազատ ընթացք ստանան: Երասխի ահարկու «սահակները» ամէն մի նանապարհորդի վրայ սարսափ էին ձգում:

Լեռների եւ ձորերի անձկութեան մէջ՝ հայաց գետերը անհամբեր էին եւ նաւարկութեան: Նրանք քոյլ էին տալիս կիրճների վրայ նաւակներ... երբ դուրս էին գալիս կիրճների եւ փայարների խորքից, երբ ընթանում էին հարթ դաշտերի միջով եւ երբ՝ խաղաղ ու հանդարտ հոսանքով մտնեցին էին ծովերին:

Հայոց գետերի հիմն գեծամեծ նահապետները — Տիգրիս, Եփրատ, Կուր, Երասխ, Փասիս — անհամբեր էին եւ կամուրջների: Արհեստը դեռ անգոր էր զարկելու նրանց իւր հոյակապ կամարների ներքոյ: Այդ էր պատճառը, որ Օգոստոս կայսրի կառուցած կամուրջը Երասխի վրայ՝ համարուեցաւ մի հրաշալիք, որ առիթ տուեց Վիրգիլիոսի երգերին...

Հաղորդակցութեան ոչ սակաւ արգելք էր լինում... հայոց աշխարհի երկարատեւ ճակատը... Զինը ծածկում էր հովիտները, լցնում էր ձորերի խորքերը, անհետացնում էր բոլոր նանապարհները եւ կտրում էր ամէն յարաբերութիւն:

Սարսափելի էր հայոց բուժը, բորէաք: Գառնաշունչ քամին կատաղաբար տեղափոխում էր ձիւնի ահագին բլուրները եւ օդը մըքնեցնում էր սառցային քանձր փոշիով: Այդ օրհասական բաղկերում ամէն շնչաւոր քաղցրատի տեղ էր որոնում... Փոթորիկների միջոցին խիստ սակաւ էր պատահում որ քարաւանը ժամաներ իր փրկութեան իջեւանին: Շատ անգամ մի քանի քայլ հեռավորութեան վրայ, ծածկում էր ձիւնի քանձրութեան ներքոյ:

Գարնան արեգակը բերում էր իր ջերմութեան հետ հեղեղներ: Պղտոր, ազմկալի վտակ-

ներով լցում էին ձորերը եւ հաղորդակցութիւնը աւելի եւս դժուարանում էր: Այդ ժամանակ սարերի ստորոտներում սպիտակ, ձիւնապատ տափարակները սկսում էին հետզհետէ սեւանալ եւ ապա ծածկում էին սփանջելի կանաչագարդութեամբ: Ծիծեռնակի ձայնի հետ լսում էր նորածին գառնուկների բառաչք: Հովիտները իրանց վրանները գետեզում էին ծաղկազարդ արօտամարգերի վրայ:

Ժամանում էր ամառը:

Սարերի ներքեւում, տափարակների վրայ, հասունանում էր նուրբ, բուզը, ձիւնեղին: Ոսկեգոյն սաքի նման փայլում էին խաղաղի ողկոյզները: Եւ շիկաւեր կոյսի գիսակների նման ծփում, ծածկում էին ծանրացած հասկերը: Իսկ այնտեղ, վերեւում, բարձրութիւնների վրայ դեռ նկարուած էին ներմակ գագաթները եւ լայն, քանձրալիստ շերտերով մնում էր անշարժ ստունամանիքը ապառաժների յաւիտենական խոռոչների մէջ:

... Ցած եւ դուրսն տեղերում ամառնային տօթն ու տապը աւելի անտանելի էր լինում, քան ձմեռնային ցուրտը: Արեգակը այրում էր, երկինքը կրակ էր քափում: Մարդիկ, որ սովորած էին ձմեռուան ցրտից պատրաստելու համար քաղցիլ գետնափոր խորքներում, այժմ արեւի կրակից ազատուելու համար, իրանց անասունների հետ հեռանում էին դէպի լեռների հովառուներ բարձրութիւնները: Եւ այսպէս, իւրաքանչիւր տարուան ընթացքում կատարում էր մի տեսակ գաղթականութիւն — ջերմից դէպի ցուրտը, իսկ ցրտից դէպի ջերմը: Բայց ամէն մի հասարակութիւն իւր գաւառի սահմաններից չէր դուրս գալիս:

Բնութեան այս տեսակ խիստ, միմիանցից տարբեր եւ միմիանց հակառակ ծայրայեղութիւնները, ստեղծեցին նոյնպէս խիստ եւ ծայրայեղ բնաւորութիւններ: Այդ էր պատճառը, որ հայոց աշխարհի բարքը, վարքը, սովորութիւնները, կենցաղավարութեան եղանակը եւ ստեղծարարական նրա հասարակական կազմակերպութիւնը իւր բոլոր երեւոյթներով հետեւանք էր երկրի բնական պայմանների:

Գետերը, մեծամեծ լճերը, լեռնային շղթաները... կտրտեցին երկրի մակերեսը,